

涪州志

涪州志

年鑄

本衙藏板

重修涪州志序

邑有志乘所以徵文獻備採風也涪志自乾隆五十年續修以來迄今五十八載矣際

昇平之景運攬山水之廻環人物滋豐烈貞卓著崇

祀典則祠建昭忠培人材則創修考

序

一

院凡茲勝概均合表揚苟不及時而增修勢必傳聞之失實上無以佐

稽古右文之治下無以垂移風易俗之經不亦貽杞宋不足之譏哉余於癸卯暮春承乏茲土甫下車適前署牧昭化徐君有重修

州志之舉業於正初偕搢紳學士按鄉採訪設局分編諸紳耆踴躍爭先共襄是役閱六月書成余於簿書之暇取而觀之見其搜羅彙博叙次詳明舉所謂崇禮儀隆學校維世風飭倫紀著科名垂宦蹟有關於

國典人心者無不秩然有序燦然成章其物產之蕃衍與俗尚之奢儉亦皆連類及之較前志爲尤備諸紳耆竭二十四旬之心力緝一十二卷之簡編信足以追蹤往哲昭示來茲徵文獻而備採擇矣若夫繁簡失中罅漏未

免余譎陋無文未能折衷至當  
請俟後之博雅討論而修飾之  
茲因梓成特記其顛末於左是  
爲序

峇

道光二十五年歲次乙巳小陽  
月穀旦

序

三

奏陞四川重慶府涪州知州加三級  
紀錄五次德 恩謹撰

重修州志引

署知州 徐樹楠

蓋聞徵文考獻史官垂紀載之文問俗觀風使者  
重輶軒之職是以賈耽作相徧悉山川鄼侯入關  
首收圖籍凡以周知地理爲貢賦所權輿匪惟博  
訪人文咨達賢之出處結繩而降斷竹斐然備在  
職方資爲考鏡我

朝稽古右文

重熙累洽

金根開輅

涪州志

徐序

一

玉牒封山幅幘邁乎百王

聲教光乎四裔凡

長白發祥之地笄黃出日之鄉呼韓渾酪之邦雕庫羶

裘之宇靡弗禮陳方物琛賚梯航固已典備三通

志成一統矣涪陵羣峰際天大江接地爲西蜀紅

腴之地數東川赤紫之區銅柱錦洲代鍾賢杰松

屏荔圃世炳英靈握槩懷鉛金紫之前修不少垂

紳搢笏元纁之後起方多以及濂溪寓公涪幡才

子金閨碩彥繡閣名媛諸有待於表揚期有裨於

風厲乃自乾隆五十載以來迄今道光二十年以  
上舊志具在續纂無聞幸際

休明抱慚缺陷若不及時修舉大懼益日沈霾不惟司  
牧者之羞抑亦都人士之恥本署州一行作吏久  
經學媿荒莊五日爲期敢視官爲傳舍睹廟中之  
告朔羊禮俱存談座上之新聞蠶叢懼圯私有續  
貂之志敢爲前馬之鳴期於闔邑赴功限以新正  
開局示諭一切官吏紳耆生監軍民人等或林下  
懸車博諳掌故或學宮領袖疋意蒐羅或白首之

涪州志

徐序

二

伏生能談軼事或黑頭之江令譽擅多聞與夫列  
戟門楣遺經世胄杖鳩長者倚馬英才咸資採訪  
之勞同任贊修之役補前修之未備函遠紹以旁  
搜庶幾漢起千門藉良才而咄嗟立辦夏鑄九鼎  
集巧匠而旦夕可成狐積腋以爲裘共勸爨績蜂  
釀花而作蜜同効經營蔚成一代之琳琅不靳百  
家之珠玉至於書成付梓樂奏觀成除本署州先  
捐廉倡率外伏冀共任棗梨均輸資斧按班設局  
分族成編免肆本之麻沙織機絲之雜組無論發

幽光之潛德誼仍千秋卽云刊遺集以流行識加  
一等時乎勿失事也可爲共勒芳名無譏穢史各  
盡梓桑之敬勿遐金玉之心聿新元扈之文大紀  
翠媯之冊從此雞林遠播家珍子晉之一編鳳德  
和聲人奉郎瑛之彙稿大壯山河之色垂成雅頌  
之音遐稽劍閣之銘遠追華陽之志休云刈桂炊  
珠爲此度越尋常之望所賴鐘名谷應不乏網羅  
放失之人勉續鴻裁跂予鶴望幸批鳳諾共輯龍  
威是序

重修州志序

志與乘異名而同事皆所以載記時事之可法可傳者也然事以時而增則志必以時而修而又必得可法可傳之人而後事之可法可傳者始克永其傳於後涪志自乾隆乙巳多載軒刺史倡首與鄉先生陳崧亭明府續修後至今未修者垂五十八年矣我

國家重熙累洽二百年來事之可法可傳者與時俱增而書缺有間非所以培風化示方來也適徐

涪州志

周序

一

讓木夫子來任斯土下車後卽捐廉重修州志迺  
勅立權輿旋即解組去州人惜之豈善作者果不  
必善成耶幸我 德崧圃刺史涖任以來宏獎斯  
文表彰絕學仰體

聖天子稽古右文省方問俗之至意洵所謂可法可傳  
之人也首籌經畫復倡斯舉表揚前媿雅意搜羅  
設局修編按鄉採訪不數月而此書告成析爲十  
二卷凡茲數十年中可法可傳之事粲乎隱隱各  
得其所仿古者闕文之例無後來穢史之譏信足

備

國史之採資通志所畧已然則公之表微闡幽嘉  
惠後人者匪特涪之人士永矢勿諼允宜與涪之  
山川共留不朽後之人飲水知源讀書論世亦當  
挹清芬於罔既資攷鏡於無窮矣熙堯學殖未深  
勉勦斯役書成之日謹叙其顛末於簡端以諗後  
之讀是書者使知可法可傳之事必有待於可法  
可傳之人而共勉爲可法可傳之事云爾是爲序  
時

涪州志

周序

二

道光二十有三年 次癸卯良月中浣邑人周熙堯  
壽田氏謹序

舊序

明戶部夏國孝州人  
員外郎

涪於兩漢尚曰涪陵縣至唐貞觀間始升爲州蓋  
周末巴蔓子之裔兄弟流八酉辰沅雄櫺五溪而  
道由此而西也山脉從滇之木容丘雄蟠際而來  
至南川金佛綿亘數千里巔巒雲霧滃濛又東北  
行二百餘里振拓奧衍始畢於蜀黔兩江之匯而  
涪出焉蜀水色紅如硃黔水色綠如碧兩水滂沛  
潏洄紅綠相錯如錦江心有洲適當其匯昔人名  
曰錦繡以此也其毓英鍾秀多磊落不羈亦復樸

涪州志

夏序

一

直剛正夔然獨立不屑屑傍寄塹籬文勢勃發代  
有駿聲淮南所謂山氣多陽也元季明氏父子據  
之爲用武門戶之區劉誠意平蜀表云舞旌旆於  
涪水是已恭承我明祖洪武辛亥始命湯公和廖  
公永忠帥師收蜀而涪由是披霾瞻日迄今百八  
十年所以山川效靈人文蔚起我叔祖松泉公曩  
與余在京邸每慨嘆於涪志之未舉以爲闕事今  
天子赫然中興制作炳煌如易文廟塑像代以木  
主奉孔子爲先師而敬一之箴平臺之詠與輿地

舊序

明經 劉之益 州人

昔有明曹能始合晉董狐郭景淳爲一統志神宗嘉悅謂可與國史麟經並隆重也故蜀地甫康而當事諸君子卽以志爲首務會城刻有全蜀總志殆亦艱矣入關先圖籍之意哉但總志祕之錦官而各屬例有耑刻不則無以便分閱達戶曉也涪爲兩江要會左亘岷峨錦水右及夜郎牂牁不必輶軒問俗職方稽風如昔之守是邦者漢有龐壽諸良牧唐有姚南列循守宋之黃魯直程叔子及

涪州志

劉序

三

有明之邵趙廖方四君子迄今千有餘載頌德弗衰而產是邦者若譙達微之以理學著晏亞夫之以惠淑名先大父秋佩公之節義文章史不絕書光爭日月其所以維風正俗豈淺鮮哉他如幅幘之繡錯阡陌之腴連義烈之足爲鄉範宦業之足爲民表以至十四篇獲售之儔魁元鵠起卿輔蟬聯炳炳然文物之陬井絡坤維中一大名封也惜明烈宗甲申後舊版淪於劫燬至我國朝庚子署州事趙公廷正來撫吾涪卽訪求舊志

猶得一冊益等僅抄錄之以遺於後而舊冊又爲  
趙公攜去幸康熙壬子郡父母朱公麟正欲爲續  
修草藁初就會滇兵起又未果茲於述舊志外叅  
以天崇時見聞確有據者勉襄一日雅懷亦吾涪  
承前待後之事也夫事之無裨於地者君子不以  
之褻筆書之無補於時者喆人直以之覆瓿志之  
爲書匪徒紀山川列方物已也欲人見品誼則浣  
彼夙夜紙上可飲椒蘭覩姓氏則砥茲冰蘖兒童  
可識司馬按形勝則知靖此疆圉何以穎川鳳集

涪州志

劉序

四

河陽花滿閱丁糧則如俠圖在眼何以豐日益玉  
荒口益穀琅琅致鏤庶不災及梨棗耳嘗怪它邑  
事志者不識此如信史若吳兢之拒張說孫盛之  
書桓温與高允之弗推崔浩廼爲有補儻挾一己  
之私妄着雌黃究失前人面目褒一家顯膺增科  
置莫虞他刻可稽視可經可史之重典爲欲唾欲  
嘔之輶編則一魏收穢史矣邇者寇霾已靖萬里  
河山仍歸一統我

聖天子皎日高懸薄海欣忭旋得洪都郡蕭父母乘運

而至釋奠崇儒禮賢課士人文蔚起百廢俱興又  
荷蒙府祖臺孫公表率綏理雅意盛典異日者紀  
名宦豈無如程如黃其人語鄉賢豈無如旻如劉  
其人者余三五老兒猶欲策杖而觀以志之志夫  
昔者志今日更欲卽志之志今日者志他日也是  
爲序

舊序

明經 夏道碩

志非眇業也涪雖支郡亦可比於古諸侯百里之封古諸侯皆各有史官以紀其事而書其山川人物蓋務以示鑑而策後也自秦漢以來始郡縣其天下而郡縣始有分志

國朝始合有一統志是一統之合亦繇分而集耳然則郡縣微志太史何由而採風後裔何由而稽古又况各處山川風俗人情事蹟世世相續人人相師如木之本而水之源乎涪志自明嘉靖間我先

涪州志

夏序

六

大父冠山以一時史才之望爲郡大父暨鄉里人士推之而事乃舉頗稱明備迨甲申賊變後不啻秦灰蕩然無存矣維余小子屬忝嫡裔愧不能紹揚先烈繼我箕裘僅述其序文更遍覓諸石刻不勝手澤之感茲幸同戚友數老人皆躬當明盛又親嘗亂離底此又四十年豈天之特遺數老以續前徽而啓後勁耶所尤賴當事賢公撫形勝而慨流風曰古志旣亡矣昔漢世求尙書於伏博士雖云口誦而所關尤大今

朝廷方纂修明史購求天下遺書以備蘭臺之選諸  
先生得無意乎於是乘斯餘齡考厥成迹草成一  
帙聊以塵公覽塞吾責而已嗟夫舊志成於先大  
父者正席隆平百事燦列猶可資闡今志之續於  
我數老人者起亂而治承廢而興較昔爲難孟夫  
子謂無此見知安有聞知且吾涪之先輩尙忠厚  
樹清節纍纍疊疊蓋不止以科名爵秩爲地重者  
至今猶令人仰止慨慕不衰也後之作者尙其勉  
諸

舊序

明經文 珂州人

涪志編自明之世宗朝薦紳冠山夏公材擅三長  
不減君實永叔之閱通詳核也家藏戶習傳之奕  
禩開卷昭然迨甲申一炬與焦土俱燼誰從壁中  
留漆書乎珂自避亂時曾負笈於鳳山招提幸存  
蠹簡藏以待文獻之徵取而證之庚子冬草昧初  
啟署守趙公雅意維新建學事竣旋欲編修郡志  
進諸老而問之卽持此舊編以應乃五日京兆封  
簞以行而涪志一帙遂隨琴鶴俱去今我

涪州志

文序

八

聖上命遍徵裨野且喜墨莊尙存皓首確記謹述舊以  
備稽考至於天崇間事皆耳而目之俱爲增輯俾  
成一郡全帙也

舊序

州牧 董維祺

自姬周分茅列土史漸成於侯國而輶軒問俗事各載於風詩此卽志之所由昉也秦置縣郡以後幅幘益擴雖蕞爾彈丸亦各有專紀國史風詩文變而爲志然則郡縣之有志也皆踵詩史之遺意而成之者也豈徒載籍之具文已哉蓋將以往事之薰蕕爲後人之法戒所以正人心維風俗而廣王化於無疆者未必不基乎此也志顧不重歟我國朝聲教四訖梯山航海盡入版圖遐陬方物悉登

涪州志

董序

九

汗簡此車書大一統之盛也然一統之志必由郡縣之志以集之若蜀涪郡志久沒於明季之灰燼余於甲申歲承乏茲土下車問俗訪其人物山川渺無所據旣而購一郡志藁本閱之乃昔郡中鄉先生共成於前守蕭公時也歷今又二十餘載其間不無亥豕之虞且藁多塗抹訛舛餽釘兼以蠹食之餘僅屬殘編斷簡不輯而梓之終歸於盡矧今

聖天子肇修國史博採風謠各上憲加意蜀志徧徵郡

邑之書以脩採擇而涪志尙爲繕本不獨吏職之疎抑亦貽羞於封域也余乃捃摭散帙叅諸學士大夫典型碩彥相與正其譌理其緒補其舊蹟續以新編壽之棗梨庶幾可垂於不朽以此而歸於全蜀志是一國之書也以此而歸於一統志是又天下之書也寧僅爲一郡之詩史也耶尤冀涪之人士家藏一冊而讀之觀忠臣孝子之行則知所事君親覩貞人修土之操則知所以礪名節閱人文仕蹟之顯則知所以奮功名下至牧童樵叟

皆得播爲歌謠以正閭閻之陋習由此革薄從忠化民成俗寧不爲吏治光哉異日者歲閱歲而人益衆人閱人而事愈增補續之功殆又有望於後之守是邦者因不揣荒陋述其梗槩而爲之序

舊序

明經 馮懋柱 州人

涪志一書燬於明季正余先君子守涪時事也廻思一炬之餘滿目盡爲焦土何有於志及

國朝定蜀幾同草昧初開郡守下車事皆草創欲訪其風土人物似難問諸水濱矣猶幸郡有劉夏文諸先生俱屬明季遺獻博聞強記堪備顧問於當時共採所見所聞彙成地乘一集雖其詳不可考而大畧已有可觀但集僅抄白歷吳朱蕭孟楊徐六郡侯皆未授梓久之韋絕編殘狼籍失序魚魯

涪州志

馮序

十一

豕亥莫辨異同至甲申歲千山董使君來守是邦見其典物廢弛遂慨然有振興之志他務未及首建學宮制度輝煌直起涪六十餘年之墜緒誠一郡之大觀也學宮告成爰及於志及徵文考獻而郡老皆無在者于是收殘編命余共襄厥事余本泉石野人耳兀坐茅廬足久不履城市醯鷄甕老何知化日光天矧其蠹簡無憑既不能效伏生之口又奚能載董狐之筆自揣襍線無長未敢堪此大役也既而堅辭不獲乃不得已而就命焉區區

之衷祇期上以成董侯興廢之盛心下以成諸先生未竟之手蹟雖狂瞽貽譏又奚所恤哉其集中紀載凡係諸先生所考定者不敢妄易隻字止取傳寫之訛塗註之誤校而正之殘缺者補之新增者續之寧詳勿畧寧野勿史黔驢之技技止此耳是耶非耶惟敬聽諸知我罪我者

舊序

國朝訓導 孫于朝  
人彭明

郡志一書非僅紀山川列風土也考之周禮小史氏掌邦國之志而郡邑之載不乏學士大夫多兢兢於世焉顧稱循良而兼良史者非具體國經野之才擅淹貫宏通之識安能俾一郡之人一郡之事使貞淫正變燦若雲漢上貢輶軒採擇珥筆形庭與

國史並傳不朽哉朝於董使君不勝忻藉焉公自甲申奉

涪州志

孫序

十三

簡命而來牧茲土也迄今十有二稔公本慈祥爲懷冰蘖自矢民歌樂只士登絃誦壽張者斂跡頑梗者畏服蒸然稱上理焉公下車之明年以學校爲起化之原他務未遑首建黌宮萬仞巍峩冠冕全治旋置禮器釋奠鼓篋俾諸生以時習禮於其中厥後科名雀起人文蔚盛皆公鼎建培風力也他如清戶口也而侵越患息鋤楚民也而兼并風衰以至嚴保甲而杜奪取也而人民安堵婚姻以正自是利興弊革次第畢舉今於地乘尤惓惓焉涪志

創始於明季自迭遭秦灰訪之故老而漸滅殆盡  
公始博採風謠蒐羅掌故從鄉郡人劉夏文諸先  
生繕本於公退之暇殫力讐校核据精詳付諸梨  
棗直而不飾質而不俚簡而該確而當序次謙冲  
不掩前列仰公之意冀涪人士覽斯志也曰某也  
忠某也孝某也節某也義人心風俗咸繫於此寧  
僅志山川列風土爲紀載之虛文哉所謂循良而  
兼良史才洵不誣也志鋟於甲午秋仲閱六月而  
告竣于朝濫竽苜蓿薰炙公之德教久復覩郡乘

之遙觀厥成益思不知煩公幾經心力而獲覩茲  
盛舉矣因不揣固陋敬附卮言於簡末

舊序

國朝郭憲儀  
江南人

蓋凡州邑之有忠書也不第取信於一時而實徵信於天下後世以垂之永久而不廢俾後之閱是書者於條分縷晰之下恍如親歷其地目擊其盛而無不洞悉則是書之宜珍惜而不使少有廢墜焉可也丁巳春余宦涪陵涪陵爲夙昔名勝之區其山川之雄偉與夫古今文物之盛甲於全蜀其尤不可以不傳也審矣一日公餘之暇適見署中所藏書板塵封沙積蟻穴蟲穿旋取而編定之則

涪州志

郭序

十五

已殘缺失次而所存者又大半朽壞或字迹模糊難以識辨涪陵一方之勝幾至淹沒無傳焉矣檢閱之下能無不全不備之感乎隨即搆之紳士之家始得其全本爰命梓人缺者補之朽壞模糊者新之閱兩月而工始竣雖是書之成不過因前人已成之功而整理之予何敢自以爲功但以昔日之殘編斷簡幾廢棄於塵土中者而今得復爲完璧是則私心之所少慰也將見自茲以後極美備之觀無缺畧之虞學士大夫披覽之下可復窺

全豹而

朝廷采風之使亦得有所考據以備採擇垂之後世  
傳之無窮實爲是書之幸亦卽余之厚幸也謹序

涪州志

郭序

十六

舊序

州牧多澤厚

且夫志乘之書所以紀其可法可傳之事以垂之  
後世也然可法可傳之事有加無已而志之一書  
必數年而一增使世遠年湮不爲搜羅補葺則可  
法可傳者必至遺忘無存已涪名區也其山川之  
葱鬱人物之清奇甲於西蜀而志乘一書湮沒於  
明季之灰燼迨我

朝應運而起則殘篇斷簡杳矣無存幸前牧蕭公網  
羅放失草創數冊然其間多塗抹訛舛不無亥豕

原序

多序

十七

之虞後數年而董君至乃捃摭散帙校正核對始  
成一書且補其舊蹟續以新編本本源源亦覺秩  
然可觀然自康熙五十三年後無人續理其數十  
年之人物事蹟則湮滅而弗傳今

天子命儒臣修一統志

詔天下省郡州縣各修其志以備採擇東西南朔並有  
成書而涪陵爲三巴鉅邑安可任其散失貽憾將  
來乎於是延州之縉紳學士屬其旁搜博採再爲  
增修諸紳士皆欣欣向義取父老之傳聞與稗官

之紀載分門別類編訂成帙亦不過補數年之蹟  
步前人之塵記其可法可傳者以徵信於後世耳  
若夫文加藻采辭尙簡要出經八史折衷盡善是  
有望於後之撫斯土者是爲序

原序

多序

十八

舊序

陳于宣 州人

涪志未經續修者七十餘年矣查閱舊纂始於康熙甲午前州牧董公暨州明經馮君編輯成書未免略而不詳非略也明季時兩遭兵燹十室九空僅得凋殘遺老口授見聞而溯前考核文獻無徵夫山川形勝自有不易之程而時會遷移豈無疊出之秀矧沐

聖朝之雅化百四十餘年其間之忠孝節義碩膚穎達自不乏人湮沒不彰奚以示來茲而維風化余年

原序

陳序

十九

八十矣歸林十八載每念涪志未修未嘗不歎歎嘆息憶我簿書楚湘三歷其地而三續其書何慣爲人作嫁衣而轉於吾鄉輕華袞也惜年衰力絀經始無自幸逢賢侯多牧伯涖任茲士孜孜以續志爲首務焉此正我涪善類著行幽光煥發之會爰集閤州人士相與會議靡不歡欣而從焉眾推余爲首領余慮龍鍾不克當此任環顧同人無可諉者况以夙願未了之事既有始基亦何必多讓爲也是以不揣昏眊而勉承之所仗我祖入川

籍涪一十三世通籍八世代有聞人家無長物僅  
餘藏書爰携子廷璠姪祖烈並選同學中之誠實  
老成者八人入館編輯分門別類務期考核周詳  
凡舊志中之未備者增補之非臆說非假借無僞  
無訛事關採訪者揀聘端士十人分鄉搜羅亦期  
不遺不濫閱六月而稿成余學識踈淺文辭簡樸  
媿無良史才不過以老夫六十年之見見聞聞據  
事直書非敢論列前人知我罪我者其亦可以共  
諒矣是爲序

原序

陳序

二十

舊序

彭宗古 州人

蜀之東偏山巒聳起衆水會合鎮攝全川者爲渝州涪城處渝之東北下游三百里形勢盤鬱蒼秀代產名人實徵文獻涪志之作有自來矣類彙編輯成書具在固已信而可徵惟是

國家承平百四十餘年重熙累洽山川効靈毓秀鍾英聲華益茂凡所以飭倫紀維風俗敦詩書盛文史顯科名昭宦蹟與夫荒邨僻壤竒節異行日增月盛指不勝屈而涪志之未修垂七十餘年其前

原序

彭序

二十一

志之偶略未備者亦往往有之今 牧伯多公下車首務及此亦仰體

聖天子圖治勵精省方問俗至意分鄉摺撫設局纂校遠叅舊聞近著新美歷春徂夏迄秋之杪而是書告竣晰爲十二卷綱舉目張寧爲郭公之闕疑不蹈劉五之假借洵足備

國史之取裁詞館之資討哉昔唐宣宗命學士韋澳集天下風土利弊爲一書西門豹治鄴旁搜宇內山川風氣繪圖以進此物此志也 古籍臨江引疾

後卜處於涪未及廿載見聞不廣學殖久荒兼以  
昏眊無能爲役有辜讎校之責抑亦幸是書之成  
爲都人士慶而益以念公之表微闡幽嘉惠涪  
人者與北山俱高與积水俱長足垂盛美於不朽  
也已爰綴數言于簡

凡例 十四則

一涪志燬於明末兵燹創於康熙初年時原本既失  
文獻無徵故二三冊中不無簡畧今悉心搜羅增  
所未備雖宋元以前可據者究屬寥寥而有明以  
來頗少罅漏

一考核悉本廿一史元和志寰宇記水經注華陽國  
志一統志省志不敢師心自用遺譏有識

一舊志分二十三門有目無綱今編爲十二綱八十  
五目凡舊所未備者類別門分一一詳訂於冊

涪州志

卷之一 凡例

一

一沿革一目諸說互有異同最滋混淆今歷參諸書  
爲表以繫於後庶歷代之沿革確有年分可稽不  
致傳疑

城池公署舊志附於沿革倉廩附於貢賦津梁入  
於山川今並統入營建志中各列門目至村鎮人  
於封域塘舖入於武備總期眉目井然瞭如指掌  
舊志貢賦一門今編入賦役志易其目曰田賦至  
於戶口鹽政解支舊統入貢賦者今爲各立門目  
可縷晰條分

一文廟兩廡之分列樂佾之雜陳皆不可以不辨茲於古制則倣

御纂諸經今制則遵

大清會典庶幾行禮觀物永瞻孔門俎豆之光酌古準今共識魯廟宮懸之盛

一選舉志中進士舉人貢生有一人而兼膺其選者俱於各目內錄其姓字一以見文藝之優一以見遭逢之盛

一涪陵忠孝節義之士代不乏人卷內有一人而數

涪州志

卷之一 凡例

二

見者如既列賢達又載孝友有一人而祇一見者或以義著或以文顯蓋兼取節取原不病其繁簡也

一程黃二夫子爲理學名儒足跡所經誠堪嚮往故既列職官復詳流寓亦高山仰止之意云爾

一藝文志所以載其文也亦以載其事或詠山川古蹟則其地傳或詠節烈忠貞則其人傳至於無關風化境內之事者雖名家大集概未及收固陋之譏夫復何辭

一孝友暨節婦目內所載刳股者頗多夫刳股爲毀傷之事君子弗取然愚夫愚婦何知守身事親哉亦行其心之所安而已有斯人而猶見天性之真採而錄之亦善善欲長之意耳

一志書之體不一或好爲鋪陳連篇累牘或摹倣史家期於簡勁不知辭以達意雖多奚爲辭以叙事少烏足貴茲於十二綱內作大序以貫諸首八十餘目作小序以引其端舊志中有門類相同者仍存其序不敢沒前人所長

一修志之與修史畧同去取必慎然後不同魏收之濫史昔昌黎辭不作志恐有人非鬼譴蓋衡人進退之難可爲震悚今於忠孝節義等事悉採輿論之公斷不敢妄加褒揚亦不敢稍爲遺漏共或前人實有懿行子孫遷移改業無可查訪惟俟後人之悉心採錄焉

涪州志總目

卷之一

封域志

輿圖

星野

沿革

山川

形勝

街市

里甲

古蹟

壟墓

卷之二

營建志

城隍

公署

學校

倉廩

坊表

津梁

郵政

涪州志

卷之一 總目

一

卷之三

秩官志

官制

知州

州同

學正

訓導

吏目

巡檢

武職

卷之四

武備志

駐防

兵制

塘房

舖司

卷之五

風土志

習俗 節序 四禮 方言 物產

卷之六

賦役志

戶口 田賦 解支 鹽政

卷之七

祀典志

文廟 崇聖 名宦 鄉賢 忠義 四賢  
節孝 關廟 社稷 神祇 先農 厲壇

附私祀

涪州志

卷之一 總目

二

卷之八

禮儀志

慶賀 開讀 新任 迎春 救護 行香

封印 祈禱 講約 鄉飲 送學 賓興

公車

卷之九

選舉志

進士 舉人 副榜 貢生 仕宦 武選

武紳 封典

卷之十

人物志

賢達 孝友 忠烈 義舉 壽考 文苑

隱逸 流寓 節孝 貞烈 壽附

卷之十一

藝文志

文選 詩選

卷之十二

見聞志

涪州志

卷之一 總目

三

祥異 兵燹 仙釋 寺觀